



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Celsissimo, Ac Reverendissimo Domino, Domino Casparo Ignatio,
Episcopo, Et S. R. I. Principi Brixinensi, Ex Comitibus Kinigl, &c. &c.
Principi, Ac Domino Domino Suo Clementissimo Felicitatem.

urn:nbn:de:hbz:466:1-39937



CELSISSIMO, AC
 REVERENDISSIMO
 DOMINO, DOMINO
CASPARO
IGNATIO,
 EPISCOPO, ET S.R.I. PRIN-
 CIPU BRIXINENSI, EX COMI-
 TIBUS KINIGL, &c. &c.
 PRINCIPI, AC DOMINO DOMINO
 SUO CLEMENTISSIMO FELICITATEM.



T hanc obscuri No-
 minis Scriptionem Tuo
 Illustrissimo Nomini in-
 scribere, meumque Tuæ
 Mitræ Ephemerologium
 substernere nō dubitarē,
Celsissime ac Reverendissime PRINCEPS,
 multa, eaque non levium rationum argu-

DEDICATIO.

menta me permoverunt. Atque, ut Sexcenta præteream, animum inprimis fecit, & facilem ad Te accessum atque admissionem adpromisit Tua Clementissima Humanitas, ac humanissima Clementia, quæ Tuam Celsitudinem ita omnium hominum generi inclinât, tamque facilem etiam privatis ad Te aditum & alloquium indulget, ut, qui Dignitate inter Principes excellis, facilitate par infimis esse videaris.

Loquuntur hanc Tuam in omnes Clementissimam Humanitatem conferta cum reorum & poenitentium, tum miserorum, & cum inopia conflitantium agmina, quibus & aures patientissimè in Sacro tribunali accommodas, & cum Libello supplici accurrentibus paternam manum tam munificè, tam liberaliter impertiris, ut isti in *Celsissimo suo PRINCIPE* Patrem pauperum, illi in *Reverendissimo Præsule* salutis & animarum sua-

DEDICATIO.

suarum peritissimum Medicum ac Pastorem vigilantissimum, non sine communi omnium solatio experiantur.

Animârunt præterea hoc ipsum ad Te accedendi propositum, aliorum, qui me præcesserunt, vestigia, qui cum vel Thesium suarum Iconismos, vel eruditos ingenij sui partus, Tuis auspicijs dedicarent, adeò repulsam à Te non tulerunt, ut potius & Laborum suorum doctissimum Æstimatorem, & Lucubrationum suarum Protectorem atque Patronum in Te potentissimum reperirent. Animârunt hæc, inquam, meum in hoc opere & labore propositum, ut hæc, quæ scripseram, Tibi uni *Clementissime* ac *Reverendissime PRINCEPS* inscribenda esse existimarem. Et quid ni hosce conatus meos Tibi potissimum sacratos, dedicatosque velim *Celsissime* ac *Reverendissime PRINCEPS*, cujus singularis, ac penè incredibilis *Divinæ gloriæ*, animarum-

D E D I C A T I O.

rúmque Zelus, cùm in reliquis omnibus, tum præcipuè in rerum ad Divinum cultum, ac Religionem pertinentium studio, Rituúmque Ecclesiasticorum exactissima observatione (quam *Codex Sacerdotalis* in Tuæ Diœcesis commodum recens impressus exactissima methodo docet) utilissimè, laudabilissimèque exercetur. Multa sunt in hoc ipso scribendi genere, quæ, ut ad majus quàm profani, quàm Clericalis ordinis emolumentum cederent, tuis Imperijs atque Institutionibus, vel nova in lucem sunt edita, vel aucta emendatæque, communi omnium usui atque utilitati fuère exposita. In quibus cùm & meam subinde opellam in partem operis advocare, atque admitttere clementissimè dignatus fueris, dubitare non possum, quin facilè exorari Te patiaris, ut hujus quoque scriptionis patrocinium in Te clementissimè suscipias, cui, ut ego animum & manum admove-

rem,

DEDICATIO.

rem, Tu Ipse *Clementissime & Reverendissime PRINCEPS*, mihi penè Auctor, certè Hortator, & Meccenas esse ultro ac benignissimè voluisti.

Admitte igitur *Celsissime & Reverendissime PRINCEPS* hunc librum tot nominibus & titulis Tuum, quot notis & characteribus exaratum : qui si deessent omnes, omnium loco sufficeret Tuus in hanc minimam Societatem nostram affectus Paternus, & Favor maximus. Eâ enim hucusque benevolentiam profecutus es hanc *JESU Societatem Clementissime PRINCEPS*, ut in eadem amanda, & fovenda Sanctissimos Ecclesiæ Principes & Antistites Carolos Borromæos, Franciscos Salesios, Thomas Villanovanos æmulari quàm proximè videaris. Fatetur sanè nostra familia se Tuis meritis ac beneficijs æternùm obæratam esse ac vectigalem : cujus ut ego tributum, seu qualecunque gratitudinis & observantia

tia

DEDICATIO.

tiae mnemosynon persolverem, hanc lucubrationem ad Tuas Infulas devotissimè deponere, Tuisque Auspicijs demississimè consecrare volui, spe firma & certa fretus fore, ut hujus Ephemerologij obscuro nomini illustre decus accedat, si sub Nominis & Favoris Tui Illustrissimo fidere in lucem publicam sit proditurum. Patere igitur *Celsissime & Reverendissime PRINCEPS*, ut hoc opus sub Mitrae Tuæ felicissimo auspicio lucem meridianam aspiciat: quod ut ad Divinae gloriae augmentum eumprimis faciat, ex animo desidero: ita & Nominis Tui Immortalitati dedicatum, sacrumque quàm maximè cupio

Celsitudinis Tuæ

Reverendissimæ

Infimus ac devotissimus

Joannes Baptista Halden S. J.